



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

**PROGRAM SARADNJE SA DIJASPOROM ZA 2023. GODINU
(PRIJEDLOG)**

Predlagač: Komisija za međunarodnu saradnju
Obradivač: Stručna služba za protokolarnе poslove,
odnose s javnošću i međunarodnu saradnju

Sarajevo, novembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Programom rada Gradskog vijeća Grada Sarajeva za 2022. godinu, broj: 01-GV-02-1776/21 29.12.2021. godine, planirano je donošenje Programa saradnje sa dijasporom za 2023. godinu.

Ovim programom predviđeno je zajedničko djelovanje Grada Sarajeva sa Svjetskim savezom dijaspore Bosne i Hercegovine, nevladinom organizacijom „Naša perspektiva“ i Sarajevskom regionalnom razvojnom agencijom (SERDA), sa kojima Grad Sarajevo ima potpisane Memorandume o saradnji, kao i sa drugim relevantnim institucijama.

Cilj zajedničkog djelovanja je promocija grada Sarajeva kao investicione i turističke destinacije; pronalaženje i uspostavljanje kontakata sa investitorima iz bosanskohercegovačke dijaspore; predlaganje investicionih projekata i njihova prezentacija potencijalnim investitorima; uspostavljanje saradnje između mladih i žena dijaspore i Sarajeva/Bosne i Hercegovine.

U skladu sa Memorandumom o saradnji potpisanim 11. maja 2022. godine, Svjetski savez dijaspore Bosne i Hercegovine, koji kao najorganizovaniji oblik udruživanja bosanskohercegovačke dijaspore, od svog formiranja 2002. godine, provodi niz aktivnosti građana Bosne i Hercegovine koji žive izvan granica svoje domovine, vezano za biznis, kulturu, obrazovanje, sport, nauku, susrete žena i mladih, predložio je sljedeće aktivnosti za realizaciju tokom 2023. godine:

- Susret žena dijaspore Bosne i Hercegovine i Sarajeva/Bosne i Hercegovine.
Broj učesnica: 10 iz dijaspore Bosne i Hercegovine, 20 iz Bosne i Hercegovine
Mjesto i vrijeme održavanja: Sarajevo, 8. mart 2023. godine.
- Susret mladih dijaspore Bosne i Hercegovine i Sarajeva/Bosne i Hercegovine.
Broj učesnika: 10 iz dijaspore Bosne i Hercegovine, 20 iz Bosne i Hercegovine.
Mjesto i vrijeme održavanja: Sarajevo, 8. mart 2023. godine.
- Susret biznismena dijaspore Bosne i Hercegovine i Sarajeva/Bosne i Hercegovine.
Broj učesnika: 25 iz dijaspore Bosne i Hercegovine i 25 iz Bosne i Hercegovine.
Mjesto i vrijeme održavanja: Sarajevo, april 2023. godine.
- Sastanak Glavnog odbora Svjetskog saveza dijaspore Bosne i Hercegovine.
Broj učesnika: 25 iz dijaspore Bosne i Hercegovine.
Mjesto i vrijeme održavanja: Sarajevo, april 2023. godine.
- 18. Svjetsko prvenstvo dijaspore Bosne i Hercegovine u malom fudbalu/nogometu/futsalu.
Radi se o najmasovnijoj manifestaciji bosanskohercegovačkih građana iz dijaspore koja se svake godine održava u drugoj državi.
Mjesto i vrijeme održavanja: Sarajevo, početak maja 2023. godine.
- Nastup folklornih grupa, pjesnika, pisaca i drugih bosanskohercegovačkih umjetnika iz dijaspore u okviru Festivala Bašćaršijske noći.
Mjesto i vrijeme održavanja: Sarajevo, juni/juli 2023. godine.

Svaki od ovih navedenih projekata ima određene zahtjeve koje bi Grad Sarajevo kao domaćin trebao ispuniti, a to su:

- Pronalaženje i obezbjeđivanje prostora za pomenute sastanke.
- Obezbjeđivanje sportske dvorane za Svjetsko prvenstvo dijaspore Bosne i Hercegovine u malom fudbalu/nogometu/futsalu.

- Tehnička podrška, priprema radnog materijala, obezbjeđenje kateringa/posluženja za vrijeme održavanja sastanaka.

U skladu sa Memorandum o saradnji potpisanim u oktobru 2022. godine, nevladina organizacija „Naša perspektiva“ predložila je sljedeće aktivnosti koje bi se realizirale u okviru projekta USAID Diaspora Invest, pokrenutog u oktobru 2022. godine, koji ima za cilj rad sa lokalnim zajednicama i involviranje dijaspore u lokalni ekonomski razvoj:

- Obuka službenika (predstavnika institucija) koji će raditi na implementaciji plana.
- Mapiranje dijaspore.
- Odabir i osnivanje forme saradnje sa dijasporom (kancelarija/ured za dijasporu, određivanje kontakt osobe...).
- Odabir i uspostavljanje kanala komunikacije (kreiranje web i/ili FB stranice za dijasporu).
- Mapiranje investicijskih i B2B potencijala i izrada brošure (vodič za dijasporu i slično).
- Implementacija programa i usluga podrške dijaspori (pružanje informacija, B2B, kreiranje razvojnoj fonda dijaspore koji će podržavati start-up preduzeća dijaspore...).
- Organizacija ljetnih kampova za mlade iz dijaspore.
- Mentoring domaćih kompanija od strane dijaspore.
- Naučna saradnja.

Kao jednu od ključnih aktivnosti za predstavnike dijaspore koji žele investirati u Bosnu i Hercegovinu, a ne znaju konkretno u koju oblast/projekat/biznis ideju, Sarajevska regionalna razvojna agencija (SERDA) predložila je sljedeću aktivnost:

- Mapiranje/kreiranje baze konkretnih razvojnih projekata/biznis inicijativa/poslovnih ideja od strane lokalnih zajednica/udruženja/firmi/fizičkih lica u BiH koja bi se ponudila na finansiranje (kofinansiranje) predstavnicima iz dijaspore.

Sredstva za realizaciju Programa osigurana su u Budžetu Grada Sarajeva.